

INUIT ATAQATIGIIT

INATSISARTUNI



UKA2016/144
8. november 2016

Nunatsinni pigisat nalillit aqunneqarneri, kiisalu suliffeqarfiiit inuaqatigiinit pigineqartut aqunneqarnerminni, annertunerusumik inuaqatigiit pisariaqartitaat aallaavigalugit ingerlanneqarnissaat, nunatsinilu amerlanerussuteqartunut aningaasarsiornertigut ikorfartuinerunissaannut aqqutissiuinermi iluaqutaanerunissaat anguniarlugu apeqquteqaat allaavigalugu oqallinnissamik siunnersuut.

(Inatsisartunut ilaasortaq Per Rosing-Petersen, Attaviitsoq)

Apeqquteqaat aallaavigalugu oqallissaarut Inuit Ataqatigiinni imaattumik oqaaseqarfigissavarput.

Inuaqatigiit kalaallit pisuussutivut siammassimmaa siammarsimalluta najugaqarpugut. Siammarsimanitta kingunerisaanik ilaanni atuisussat pisisussallu ilaanni ima ikitsigisarput niuerterinnaq tunngavigalugu ingerlatsinermit isigalugu piffinni taakkunani ingerlatsinissaq ilaanni akilersinnaangitsutut isigineqarsinnaasarluni, kisiannili pisuussutit siammarsimaneerannit isigalugu pisariaqartarluni.

Tamatuma malitsigisaanik suliffeqarfiiit ataatsimoorullugit pigisavut, inuaqatigiit tamarmik, aamma akissakinnerit isorliunerusullu, pisariaqartitaannik naammassinninniartussat, nammineerlatalu tamakkiisumik aqussinnaasavut pigisariaqarpavut. Taamaanngippat niuerterup nukingi kisimi naalagaalissapput, taakkulu pissakinnernut isorliunerusunullu naleqquettuaannanngillat.

Oqallissaarisup oqarneratut massakkut anguniakkat taakku naammassinissaannut periafissaqarluarpugut, tassami inuaqatigiit atugaannut annertuumik sunniuteqartunik suliffeqarfiuteqarpugut tamakkiisumik ilaannakortumilluunniit pigisatsinnik.

Inuaqatigiit pisariaqartitaat tunniussinnaajumallugit taakku sulinerminni najoqqutassaat erseqqilluinnartut aalajangersarneqartariaqarput, inuaqatigiinnilu akissakinnerit isorliunerusullu pisariaqartitaannik ilaatigut naammassinninnissamik imaqtariaqarlutik.

Akissaatit eqqarsaatigalugit ilaanni nunani allani, pingaartumik Skandinaviami, pissutsit aallaavigivallaatsiartarunarpavut isumaqartarlatalu tassani akissaatinut unammillersinnaagutta aatsaat naleqquettunik sulisussarsisinnaassasugut. Ullulli qaangiupput nunat allamiut iluanaarniariartuinnarlutik nunatsinnukartarfii. Paasisariaqarpavut amerlaqisut avataaniit suliartortarmata misigisassarsioriartorlutik, amerlasuullu nunatsinni unikkallartarmata nunap immikkuullarissunik tunniussassaqarnera pillugu. Nunarput pisuussuteqarluarpoq, soorlu: inuaqatigiit alutornartumik kulturillit, pinngortitaq naliitsoq, suliassallu immikkuullarissut. Akissaatit pinngikkaluarlugit allatigut oqilisaassisinnaagutta, soorlu pitsaasunik inissaqartitsinikkut, meeqgeriveqarnikkut allatigullu, qularutiginngilarput sulisut naleqquuttut pinngitsooratik takkukkumaartut. Taamaammat ingerlatseqatigiiffiit sulinerminni najoqqutassaanissaq akissaatit suliamut naleqquuttut atorneqarnissaat aamma

INUIT ATAQATIGIIT

INATSISARTUNI



ilaasariaqarpooq.

Namminersornermut ingerlavugut, suliffeqarfiutivullu nammassinnaasatsinnik, minnerunngitsumillu pisariaqartitavut naapertorlugit ingerlattariaqarpavut.

Taamaaliunngikkutta inuit akitigut inorsillugit ingerlalissaagut, suliffeqarfiillu taamaalillutik aningaasatigut tunngavissaraluatik annajartulissavaat, taamalu pissutsit ajorsiartuinnassallutik, tassami akitsuisaqarttaartuarnikkut atuisussat pisisussallu ikiliartuinnassammata. Taamaammat ingerlatseqatigiiffiit atuisussaminnut naleqqussarsimasariaqarput.

Oqimaaqatigiinneq eqqortoq nassaariniartariaqarpapput. Ingerlatseqatigiiffiit imminnut nammassinnaassapput, taamaaliussalutilli nunami najukkaminni pissutsit aallaavigalugit, pissutsinullu taakkununnga ilaapput inuit pisariaqartitaat, aamma isorliunerusuniittut kiisalu akissakinnerit.

Taama oqaaseqarluta oqallinnermut matumunnga atatillugu Naalakkersuisut kajumissaarumavavut ingerlatseqatigiiffiit sulinermanni naoqqutassaannik misissuillaqqullugit, pisariaqarpallu naleqqussaaqqullugit. Tamatumani piffinni tamani akilersinnaassuseq kisiat pinnagu, kisiannili inuaqatigiit ikioqatigiittariaqarnerat aallaavigequnaqaaq. Tassami, siamarluta inuuvugut pisuussutivut siammasimmata.

Kelly Berthelsen